

docriver文川网
古籍书城
入驻商家
获取更多电子书
在文川网古籍书城

中國方志叢書·華北地方·第四六七號

據

陳鴻疇修，劉盼遂纂
民國十九年鉛印本

影印

河南省

長葛縣志

(一)

成文出版社有限公司印行

中國方志叢書·華北地方·第四六七號

據

陳鴻疇修，劉盼遂纂
民國十九年鉛印本

影印

河南省

長葛縣志

(二)

成文出版社有限公司印行

中華民國六十五年 月壹一版

長葛縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

重修長葛縣志序

長葛爲古葛天氏之墟其得名實始見於春秋逮至今日蓋已兩千有餘載矣秦漢而還賈太公之政績陳文公之名德薰一隅餘韻流風往往影響全國千載下聞者猶興起也邑志未詳創自何時清康熙三十年逮乾隆十二年邑令楚南何鼎燕山阮景咸更續修之方輿建置畧存梗概政典人物分別記載而風俗物產僅附見方輿之末兵事祥異乃與古蹟流寓統以雜述概之詳畧失宜主賓互錯經籍金石更付缺如則亦頗涉空疎或不足以備地方之典邑人張蔚藍續修未竟身遭寇亂稿亦遺失陳子錫九展轉搜求始獲其書屬息縣劉君盼遂復加是正盼遂畧參余氏龍游志例刪冗補缺數月竣事尙恨采訪未周不無遺憾然書固釐然可誦矣余避地北平每與陳子昕夕過從惓懷桑梓輒言長葛近十年來初苦於匪繼擾於兵當土寇猖獗鄉村不可居羣集城廂展轉依親族閭巷爲滿露宿中衢風雨連日夜婦穉號號之聲慘不忍聞寇去旋里已村舍爲墟連年內戰往往陷漩渦中征調頻繁今尙不遑少息也旅平同

人移民關外走書勸告趨往者千餘人然滄海一粟當何術以拯閭閻彫敝也劫痕遍地人文零落欲求十餘年前景象恐三五十載弗可再睹而文獻放失則尤非可違期於離亂後人擬亟付印用識舊聞庶傳信傳疑之猶可徵也嗚呼文化者立國之要素夫固盡人能知之然民族之文化率根於國情歷史而地方之情地方之史則又一民族之國情歷史所依據也陳子庶幾急所先務者乃次第其語弁諸書首俾後來者有攷焉

中華民國辛未夏汲水李時燦識

叙

民國庚申歲同邑張霽村先生自來都下榻敝廨談及本縣縣志失修已一百八十年相與謀續編之策余因謂第一須注重教育以興人材次則詳明實業以裕生計其餘則不妨姑循舊例總以早成爲宜霽村頷然之迨辛酉霽村返里籌款設局從事纂著函予任分纂時余供職國會弛繫都門未克往參惟遙任調查而已越三年得函謂志已脫稿促鳩庀印費俾便付梓時或有譏張稿往往失于迷信而於人物藝文之欠公允尤噴有煩言值茲新潮澎湃之際蓋稍有待無何霽村被仇訐陷瘐死許昌獄稿遂散軼余因亟力訪求竟不可得嗣經張維元先生星多方周折始覓獲寄京而徐西崙君所繪之精密地圖則已化爲烏有適張靖臣定周定九鼎兩先生在都各加校閱咸認爲有待刪改之處未幾而靖臣定九復相繼南去此事因又閣置竊以天時人事日益鱗緊儻不早事殺清流布則斯稿之存廢將更有不堪設想者乃聘息縣劉盼遂先生任修正之責盼遂嘗豫修河南通志嫻於中州掌故且維元之門弟子也昕

夕商量發凡起例存其善英剗其紕漏瑣碎者合併之脫略者葺補之而于修辭立誠之義尤三致意焉越半歲而竣事余即爲捐貲刊印流傳人間爲功爲過則非此日所計及矣

中華民國十九年歲次庚午六月十五日序邑人陳鴻疇錫九甫撰



長葛縣志總目

縣境全圖

卷首 叙例

卷一 輿地志

卷二 營繕志

卷三 政務志

卷四 教育志

卷五 食貨志

卷六 藝文志

卷七 選舉表

卷八 職官表 官職略

卷九 人物傳 採訪

長葛縣志 總目

卷十 列女傳 前 路 五 三

卷末 前志源流

附 捐贊姓名

長葛縣志卷首

息縣劉盼遂撰

叙例

總例 修志之法有二一爲別出新裁全部改換一爲因仍前志但彙續編兩法相較前者較後者爲宜矣長葛縣志舊有邑人張蔚藍稿本純用後法承踵統繆有戾史體予茲受陳錫九先生之託屬爲釐定因時日蹙迫未能廣延博徵於新政諸端雖非局于張稿原有之資料而所增入亦無多然而體例則務從革新以破前此腐舊之老套張稿所分之門類紛繁雜糅未能雅馴茲編則有增有刪有數門合爲一門者有一門併歸數門者本無成見期于一是而已識者定能諒之

茲編體裁多做余氏龍游縣志而地方情形各有同異迄難作依樣之葫蘆則不失雅正而止今凡分類三一日志得卷六日輿地志日營繕志日政務志日教育志日食貨志日藝文志二日表得卷二日選舉表日職官表三日傳得卷二日人物傳日列女傳而別以叙例篇及前志源流篇條理其始終焉

前志及張稿所紀事實率多不經或則文字冗雜今統加以考核其正史有傳述者據正史訂之否則摘諸羣籍務得其實而止果文籍無可檢則以意擬正其文之不雅馴者至其濫漫托沓者摘要錄之此則盼遂於茲編事實之修正文字之剪裁如是而已縣志者史之事貴在簡賅固無取連篇累幅昏睡耳目也

舊稿開卷爲星野志內分星圖星考五行災祥三目考星宿分野起於戰國之際

節史記正義其是非今不具論然以一邑之微與天空較蓋不啻泰山之於豪毛特立

一卷實被小題大做之弊茲從省削

張稿有兵備志爲目二曰兵制曰兵事有金石志爲目三曰碑曰鐘曰鼎有監獄志爲目三曰監所曰習藝所曰管獄署有賑濟志爲目二曰賑卹曰惠濟皆事實短絀爲文不過數葉而金石一志收器僅得四五幾同兒戲茲特併合於義例相近之門以兵備監獄入政務志以金石附藝文志以賑濟入食貨志庶其同條共貫免於駢拇枝指之譏

舊志張稿往往于每門之中巧立名目不顧其義之不安如一人物志而凡分忠烈
一忠良二孝友三風節四義俠五文苑六武功七耆德八耆年九壽婦十善書十一
善畫十二善相十三善數十四堪輿十五善醫十六善工十七善商十八仕達十九
隱逸二十流寓二十一諸目何許子之不憚煩乎舉此一例餘可推知今編于每門之
中務求簡捷不再多設細目冀以清爽視聽

自章學誠湖北通志稿立氏族表後之修志者多宗之如繆荃孫江陰縣續志余紹
宋龍游縣志是蓋一縣之設正以爲人民故歌于斯哭於斯聚國族于斯者皆一邑
中之氏族也然則氏族一志在邑乘中誠莫要于是矣亦莫亟于是矣然考訂氏族
在南方易在北方則難南方宗法制度今未全廢其居者率有宗祠有宗書或志局
一設則各譜備集主筆者據譜入錄其奏績自易若北人則多無宗祠故無設有系
統之族譜十世以還則宗祧莫究族姓略疏則長弟失所故在今日北方而欲修周
禮小史之職奠世繫辨穆昭憂憂乎其難之矣長葛於古望姓耑推陳鍾陳氏列入

新唐書宰相世系表及汪藻世說新語人名譜注書又有長社鍾氏人名譜然皆爾
前以前故實而後來仍斷絕無攷或茲編于氏其一譜且從蓋闕非其才智短實
未敢冒嚮壁之戒云爾

輿地志 舊志有八景圖詠太邱古祠一鳳城荒址二鍾臺遺蹟三雙泊秋波四平岡
西照五葛仙靈池六洪福晨鐘七北橋冬濟八也無關故實徒費子墨備任意牽附
則一縣之大即百景可得此乃舊日圖經習套亟宜刪去以正史裁

舊志張稿每門之前先以小引篇後多下論斷非惟有乖史體實亦銅蔽思想嘗謂
記事記言者史家之職據論籌策者子家之功太史公書往往憑空立論不斷斷于
故迹乃史家而闡入子家之域非史家之本色應如是也班陳以來積習成風不知
其非矣茲編于前引後論一併刪除見仁見智惟待閱者

營繕志 本門分子目十若城池街衢鎮集寨落四項今尚依常沿用未遠離其初意
若公著學宮則皆改作別用已極物換星移之慨若壇廟祠宇寺觀坊表則多半墜

落頽塌因破除迷信幾失其一顧之價值今之斯編於此六項必斤斤然詳略之者誠以史也者紀述先民之活動過程而予後來者以善惡之觀感者也以上六項由今日視之或有近於迷信而無關弘旨然其在當時則所以資法戒警貪頑大有裨于王化聖教之所不及者其著績未可誣也史以紀陳迹則此等事詎容闕而不載必謂其腐舊不合潮流是今日之事由明日視之亦多腐舊不合潮流難在記載之列者而史書幾乎息矣

文廟中配享孔門弟子先賢先儒人名關岳廟中配享歷代名將人名堂經閣所藏書籍目錄文廟祭器圖式樂舞器圖式及祭祀樂章等皆頒布全國載諸輿史非一邑所得私舊志張稿俱一併入錄原沿尊君崇聖時代之舊習茲則擴加省制

政務志 政務者稟國家之制度而施行于地方者也其由人民建設以輔制度之不足者亦制度之類也故今以商事公斷處及自治會等項列入本門而並名之曰政務志

政務一門在縣志中最高最爲繁雜舊志皆分爲縣門而無所置廢茲將兵制監獄等類歸此志其事蹟淺陋者或列表以明之庶幾清麗耳目無顧此失彼之虞其交通一項畫入輿地門者以鐵路郵電皆與地理有特殊關係且係全國所公有非一縣政務比也

教育志 風俗一項別家志書恒有歌謠諺語方言等條蓋以歌謠爲平民文學之表現亦民俗之所由徵也諺語之在民間幾替代德育之標的與法令之權限而有之其於農占尤多奇驗善彙輯之可稱爲農民小辭典矣方言者乍聆之似奇詭異衆而實考之則盡正字雅音之轉迤其音讀者也昔揚雄作方言由所以即音推字使造次談論者得以自證其故亦研究民俗者所應有事也舊志張稿於此三事皆闕焉失錄今亦未能作詳細之採訪故暫付缺文以待將來之有志者焉

食貨志 財賦之資料大半爲賦役之案牘編造之鱗册最不適于史家之文裁而最切於生民之需用者也故章余志書皆別立掌故一編彙入此項資料法至善也茲

編以舊稿疏略未能詳載而長葛又兵燹迭更簿領多付焚如驟難搜求故于此門仍不免因陋就簡未能奏躊躇滿志之樂也

舊稿官產之後別有公產一目物產之後別立製造產一目而公產內容僅農桑學校小學校地址數事製造產當然爲物產之一何事區分今皆爲釐正以清眉目

藝文志 方志之書向無所謂藝文志也不過撮錄諱墓之碑銘修廟之石刻獻媚豪紳之壽序流連風月之詩詞數十葉而已矣其于邑中古今著作之目錄碑刻之籍駁蝕者則望羊若無睹焉故方志從無藝文可言以其所志者非藝文也章實齋創通史例首主文徵獨立之說余紹余修龍游志承用而實現之可謂能審于取舍今仍以藝文編入六志之一者以長藝文之可存者無多約率正編絕無指大千段之弊故于本門中分爲四目曰書目紀邑人古今製作之總成績也曰唐前文目以前人自有專書我可按圖索驥也曰金石目所以供考古學之用也曰文存擇其有裨于故實者錄存若干首其文辭之雅潔與否非所苛責也

docsriver 文川网
入驻商家 古籍书城

在文川网搜索古籍书城 获取更多电子书

諸家書目多有解題用以說明其書之源委茲編以所載清以前書除一二種外

易繫辭注 鍾際詩品 概歸放失僅就各書引用存其一鱗半爪而已今世補各史藝文志及攷

證隨書經藉志者大率已搜括無餘明清人書則就各列傳中所紀錄出其書之存

亡尙無可考書既未經目治故提要亦無從入手總之購列書目之旨惟在使人念

我先民之如許奇文偉著則思所以紹述之者如斯而已

詳列唐以前文目爲一項者以唐前文集統歸散失苟不彙編一目將使考訂者無

從尋求故今即嚴氏所輯全上古三代秦漢三國南北朝文輯出長葛人之著述仍

標注其所據之書而再以無錫丁氏所輯全上古三代秦漢三國南北朝詩補其缺

焉

一邑金石往往可獨成一書如武億之偃師金石志是也或志中獨成一門如吳汝

綸之深州風土記等是也長葛金石素不見稱姚安畢沅楊鐸諸人著錄中州金石

長葛所見不過一二器即張稿所調查者亦不越十一二器今再參以古金石書增

入古刻二事而均加以簡略說明俾研究者有從考察明非虛造

文存一目因向之藝文志全部所載多係油腔滑調無關實用之文故今盼遂所輯唐前文目竟無一首見于舊稿藝文志中者其陳腐可想而知今痛削其文之不經者及純于迷信者凡十之四五蓋當時纂舊志舊稿者原無史裁及文學而又往往格于情面威于勢利取燕石而棄夜光服蹇驢而騰疲牛亦其所也今之所存不責其文惟期其有裨史實可以証地方人文之演進則取之矣

舊稿于此志中分門別類約得子目數十往往一日中僅文一首或詩一章何其碎尋乃爾其弊常至于全篇應數有等蓋勿謂之若今則僅以時代爲準不更多立名目以免紛糅云爾

舊稿多存詩賦及聯語聯語小技不登大雅之堂而長葛古無著名詩家實則所收詩篇多係遊宦及行旅在此地吟風弄月采山釣水之什以言藝術既非超詣以稽掌故又無相關收入邑乘實嫌蛇足况又分之以古風割之以律絕尤屬無謂茲並

刪削以正史裁

科舉表 舊志進士舉貢皆屬選舉乃循古鄉舉里選之名沿用未改迨及民國組織議會選擇推舉出自民權則在昔考試所得之人才自不得不別目之爲科第以符名實而資區分但年遠卷佚名姓已多淪湮姑就采訪所獲者補葺之而仍以舊志之監生鄉飲吏員諸科附焉科目既廢士夫出身由學校畢業議會選舉及文官考試其效用與科第等故本門定名曰科舉表以括科第與選舉而內容略分舊制科考及專門以上學校畢業生及國會省議會縣議會議員三日焉

舊稿載有封贈蔭生恩賜三門實則封蔭與選舉無關選舉表者所以表示地方之材俊封蔭非其義也在君權時代或視以爲恩榮今則不必載矣蓋受封之人不必賢哲而縣志責在崇實在黜虛榮矧清季封典可以貨取且不必以見其父若子之賢耶

職官表 舊稿職官表外別有名宦傳然昔者章實齋云叙次名宦不可與鄉賢同爲

列傳非第主客異形抑亦詳略殊體也長吏官于斯土取其有以作此一方興利除弊遺德在民即當尸而祝之否則學類顏曾行同連惠於縣無補志不能越境而書亦其理也如其未仕之前鄉評未允去官之後晚節不終苟爲一時循良便紀一方善政吳起殺妻而效奏西河於志不當追既往也黃霸爲相而譽減潁川於志不當逆將來也以政爲重而他事皆在所輕豈與斯土之人原始要終而編列傳者可同其體例歟茲據實齋之論改名宦傳爲政績略而舊稿於名宦之任前任後後皆詳述不遺今亦惟存其于長葛有關之事餘則概從削去以明界限

舊志張稿于春秋時名宦載公孫游古諸人于兩漢載黃霸寇恂若然則晉楚之盟主豫州之刺史更屬縣邑之長吏亦應一概載入殊乖史法然長葛金元以前官長率無可考姑存之以備數然其侵泆之情則不可不知也

人物傳 舊志人物分類凡得二十此最難通余懋園龍游志人物叙例曰史家立傳非以方人故人別爲篇有關聯者則爲合傳附傳若其事別有源流有關一方風化

然後以其事標類而以其人入之如史記刺客游俠酷吏貨殖諸傳兼述事情以意
離合不盡人爲畫界漢書承之略有損益至後漢書則別立黨錮宦者諸傳凡此皆
所謂事重于人也故以事名篇之例本于作史者之心裁原不必相爲同襲後來史
家昧于此義于是孝行循吏隱逸方伎諸目無史不立遂以爲此數類乃作史所必
備斯大惑矣然猶有若干散傳也至於方志則變本加厲幾無不置類以編矣知其
初作方志者或尚有獎掖名教之意故標其目以爲提倡相沿既久視爲固然作志
者狃于積習門類既具恥有闕遺必欲求其人以實之不得其人則強爲牽合或增
飾事實以充篇幅浸至類廣而類益多存而實已失甚至如嘉慶西安志竟以一
人而分割入數類儼同衙署之區載表格焉豈復成爲史傳康熙龍游志曰一邑之
中人物有限勉強分析彌覺渺渺且理學事功文章德業中有相兼尤難析置此說
是也然見其偏而不見其全故于武略孝行方技猶謂其事蹟判然仍爲分類豈知
武略如韓信李廣孝行如曾參閔子騫方技如扁鵲倉公太史遷未嘗別爲標目也

况武略孝行方技中途無兼有理學事功文章德業者乎志既稱爲人物武略孝行方技獨乖人物于既有自相矛盾之嫌亦乖事重於人之義竊爲康熙志惜也要之方志具有史裁如無特異事情不必強爲標目茲故統稱人物一以時代爲次今按余氏此言最爲通達茲述人物概從其例

舊稿流寓載有白居易李廌張銑陳緣等數人然邑乘者地方之事借重異籍名人以爲山川生色甚爲無謂蓋寓賢果有裨益于地方則自有可傳者在若僅爲流連景物或偶然卜居則通都大邑名區勝境古來旅居者安可勝數如其地志必悉爲立傳將必犯喧賓奪主之嫌茲故削去流寓傳讀者或不以武斷爲譏

列女傳 縣志中於人物傳外別傳列女在今日似容有疑議惟史職重在紀述往事女權之發達將來或不無與男子並駕之日然前此則婦女之事雖在前而孝貞烈無多他事可載故尙有待於別裁今列女傳中除少數人堪立專傳外餘則統以節婦烈女二略言之

嘗謂各志載一邑貞節婦女往往逾千而又無多事之或以舊法修志最遺者莫過于立表北方婦女大率無名字以某某氏稱之惟一縣大姓若王若張者不過一二十姓若不加區別則直不辨誰何竊謂宜放范曄後漢書例稱某人之母某人之妻某人之女庶幾女由男別較爲清楚又當以某保某郵爲經朝代年月爲緯是舉表可以得其地方之風紀與時俗之升降法較善也反視普通省縣志中列女傳既不詳其時代又不著其籍址幾使人疑爲空中樓閣其後昆亦不敢確定何人爲某某德者比比然也茲編于此事既未能從新調查故止陳仍舊貫而略裁併其新技爲目修正其鄙俚文字於叙例中發其概焉

附例

是編匆遽付印以見聞所囿遺缺資料諒不在少嗣後讀書及搜訪有所發見當隨時爲別編副此印行或懇閭達君子匡其不逮冀肯示之周行尤深拜禱

是編檢稽資料及繕寫文字則以舍弟叔遂第恕之功居多例得並書

中華民國十九年六月中旬劉盼遂志于北平女師大研究所



長葛縣志卷一

息縣劉盼遂

輿地志第一

疆域

沿革

山岡

河渠

陂湖

古蹟

墓塚

標甲

交通

驛傳

道路

鐵路

電話

郵務

河運

橋梁

汽車路

疆域

長葛東西廣七十八里南北袤三十五里

東至滄川縣界十八里司馬村

西至禹縣界六十里韓家莊

南至許昌縣界十五里陸家營

北至滄川新鄭縣界二十里尚家村

東南至許昌滄川縣界三十里斧頭村

東北至滄川縣界十五里田家堡



西南至許昌縣禹縣界四十五里石固鎮

西北至新鄭縣界十七里官亭

東北至洧川縣城三十里

西北至新鄭縣城四十五里

南至許昌縣城四十五里

西至禹縣城九十里

東北至京師一千八百里至開封省會一百八十里

曩者西通川陝南達湖襄雲貴等處爲進省進京必由之地星馳電蓋往來絡繹其經行要路有三一在縣治東南北接洧川界南至許昌界橫十五里一在縣治西北接新鄭界東南至許昌界橫三十五里一在縣治東北北接洧川界西南至禹縣界縱六十里招待迎送供億維繁至兵差車馬人尤苦之迨京漢鐵路告成從前煩苦稍覺甯息

沿革

長葛蓋為天氏故址也後人思永其澤故名曰長葛見書志又傳創邑之始有葛條附樹

故名見志唐虞夏商無稱至周東遷始見於春秋屬鄭魯六年冬宋人取長葛杜預註

潁川長社北有長葛城今河南開封府許州長葛縣北十二里有故城舊志載桓公五年諸侯從王伐鄭鄭伯禦之戰於

繡葛証繡葛即長葛此說非也按杜預註繡葛鄭地或云即長葛也預並未確定繡葛

即長葛不過引或說卿備一解豈料後人遂以訛傳訛此不可不辨考周在鄭西北長

葛在鄭東南桓王伐鄭由西北進兵勢也豈有繞道過鄭東南自尋絕地以勢度之不

可信者一魯公六年名長葛桓公五年又名繡葛前後相隔不十二年春秋又無長葛

改繡葛明文何所據而謂繡葛即長葛乎以理揆之不可信者二然則繡葛究在何地

按河南通志云鄭州城西南二十五里有繡葛亭即祝聃射王中肩處則繡葛長葛分

明兩處舊志之謬明矣戰國屬韓魏元記於二年前鄭建魏更名長社舊志載

西漢時以社中樹暴長更名長社亦非也前漢書地理志中樹暴長更名長社按史

記秦昭襄王三十三年客卿胡傷攻魏長社取之秦二世元年周勃從沛公定魏地攻

長葛秦二世二年樊噲攻宛陵先登有功賜爵封侯賢文君從攻長社是長社更名在

百漢以前變見於史舊志未彙草書但據註在漢書遂指為西漢時誤其秦漢魏韓置

穎川郡長社屬焉史記秦始皇十七年滅韓以西漢季年改為許縣仍屬穎川郡見穎

故陳仲弓東漢魏晉俱因之西魏屬穎川郡詳後東魏復長社為穎州州治又改為南

鄭州州治暨穎川郡郡治詳後北齊仍屬穎川郡郡治又廢穎陰縣入焉後周改許州

治隋開皇六年初改郡為穎川縣於長社分置長葛縣大業初置穎川郡長葛長社二

縣俱屬按郡即後周許州領縣十四郡治即長社汝墳葉北舞隰城繁昌臨唐改穎川

縣為長社唐地理志武德年復長葛僅有二縣俱屬許州穎川郡五代梁改許為

匡國軍二縣俱屬唐改許為忠武軍二縣俱屬晉漢周祚短朝此夕彼因革靡一不得

而詳宋元豐三年升許州為穎昌府屬縣七郟城陽翟即今臨穎舞陽郟縣而長社

詳前長葛實備其數宋史地理志金二縣並屬許州昌武軍金史地理志元二縣並屬許

州汴梁路元史地理志明洪武初併長社為許州治長葛始終屬之明一統志清長葛仍屬許州

雍正二年升許爲直隸州十年升爲許州府乾隆六年復改爲直隸州而長葛屬之不
 心變焉續志一民國肇造仍名長葛二年縣許州改屬開封道此歷代沿革之大略也總
 覽古今大勢隋唐以前上溯至戰國名不並列有長葛無長社有長社無長葛或長葛
 長社俱廢隋唐以後下推至於有明長葛長社分域並存然疆界區畫不可詳已自明
 以來長葛入許州長葛名稱始一疆域亦始定謹據歷史列表以便省覽

時代	總部	專轄	縣名
春秋	豫州禹貢釋昔黃帝布九州河南爲豫州城	鄭國	長葛 <small>三傳杜預注爲鄭邑名</small>
周	豫州	韓魏	長社 <small>史記韓魏屬韓未入以爲韓地漢魏長社取之是其在也</small>
戰國			

docsriver 文川网
入驻商家 古籍书城

在文川网搜索古籍书城 获取更多电子书

宋	晉	三國 魏	後漢	前漢	秦
南豫州 永嘉之亂豫州 北郡淪沒於石 氏	豫州	豫州	豫州	豫州	豫州 何以南分為三郡曰 碭郡曰南陽郡曰潁 川郡曰三川郡
穎川郡 宋書地形志云 舊名昌許曹魏 改名許昌	穎川郡	穎川郡	穎川郡	潁川郡	潁川郡
				長社 潁川縣	長社 史記秦於十七年內 史書漢書置潁川郡 長社亦在封內秦二 世元年二年周勃美 曾攻長社及其明證

後周	北齊	東魏	西魏
豫州	北揚州	豫州	豫州
許州	潁川郡	南鄭州	潁川郡

長社

長社 即郡治

地方史

長社縣為州郡治

後改曰南鄭州復置

潁州及潁川郡治

年於潁川城多戰績

攻王思政於潁川險

西魏武定七年因

置潁州四年潁州附

長社 即州治東魏天平初